

Scientia Sanctorum

Collecta Ex Meditationibus Ludovici De Ponte, Joannis Busaei, Joan.
Suffren, Juliani Hayneufve, Et Antonii Gaudier, &c. E Societate Jesu, In
Dominicas, Festa & ferias totius Anni digesta. Cum Indicibus duobus. I. In
singulos dies. II. Ad Exercitia Spiritualia

Puente, Luis de la
Dilingæ, 1685

56. De solitudine B. V. post sepulturam.

[urn:nbn:de:hbz:466:1-60588](#)

vitur : conditum in nobis, qui ideo esse debemus instar horti amœni & sepulchri novi, à fœtoribus immunis, & excisi in petrâ, per tolerantiam mortificationum, & laborum. Et juxta montem Calvariæ positi per assiduam Crucifixi memoriam. Tunc ad nos Christus libenter veniet per sacram Communionem. Apponitur autem lapis ad ostium monumenti, per custodiad diligentem cordis & sensuum.

MEDITATIO LVI.

Solitudo B. Virginis post sepulturam.

PUNCTUM PRIMUM.

Recedit à sepulchro, comitantibus Josepho & Nicodemo, atque ex itinere revisens crucem, supplex eam adorat, ut in quâ peracta fuisset redemptio olim in suo utero inchoata, & quæ suis brachijs excepisset Christum jam virum, quem infantem ipsa gestaverat : cavit autem ne vestigia crux sparsi ipsa aut alijs calcarent. Reversa domum, gratias egit viris illis, simile quid precata. *Benedicti vos à Domino,* qui fecistis misericordiam hanc cum Domino ve- 1. Reg.
2. 1.
stro, & sepelivistis.

B. Virgo
crucem
adorat.

PUNCTUM II.

Transegit eam noctem, partim sola inter limbum & sepulchrum filij discurrens, partim cum Joanne, & alijs commemorans acta ejus diei, à Joanne audiens quæ super cœnam acta

Thren.
I. I.

acta dictaque fuissent : *Plorans ploravit in nocte, ac, lachryma ejus in maxillis ejus ; non est qui consoletur eam ex omnibus charis ejus.* Age, solatium cape : nam grantum hoc terrae conditum reddet fructum uberrimum.

B. Virgo corroborat Apostolos in fidē. Inspiravit Christus Apostolis suis, ut convenirent, ubi erat Mater : ante alios Petrus, qui humi procidens deflevit, & veniam petiit suæ negationis, tum alij. Collegit illos, ut gallina pullos suos, quando ad conspectum milvi fugiunt. Confirmavit in fide resurrectionis : quia post passionem suam quam prædixerat, credendum pariter erat fore ut resurgeret juxta promissum suum. Indoluerunt omnes, cùm adverterent deesse ex ipsis unum qui Magistrum prodiderat

PUNCTUM III.

Magdalena & sociorum de virtute. **M**agdalena, & aliæ sedentes contra sepulchrum, diligenter observaverunt, quomodo poneretur corpus, cogitantes, transacto sabbato, venire ad ungendum : quare iverunt, ut adhuc eo die emerent aromata, non contentæ centum libris, quæ fuerant insumptæ. Imperfætio quidem fidei, sed pia affectio. Ita oportet, recepta sacra Communione, cum quiete expendere, quomodo ad nos Christus veniat ; tñm ad paranda unguenta excurrere, ad opera boni odoris se accingere, pro utilitate corporis Christi mystici, & gloria Dei.

ME-